

漢魏六朝百三家集

周北

第九十六冊  
王司空

詠  
子  
和  
學  
PDG

後周王司空集題詞

王子淵羈迹宇文寵班朝右及周汝  
南自陳來聘贈詩致書漢節楚冠淒  
涼在念又言覽九仙懷五嶽有飄遙  
遺世之感蓋外縻周爵而情切土風  
流離寄歎亦徐孝穆之報尹義尚庾

子山之哀江南也瑯琊世胄文學名  
位照耀江左子淵又以蕭祭酒姻戚  
聲華萼跗遂至王女下降國嫡用賓  
梁元削亂召列台端遭逢人地莫居  
其前然荆郢定都匡諫不力圍城督  
戎敗北隨降總文武之任蹈臣虜之

譏末流不振賢者猶然昔曾祖仲寶  
劉宋國戚販附蕭齊士林交貶子淵  
委蛇乃其門風幸不至賣國耳周朝  
著作王庾齊稱其麗密相近而子淵  
微弱平日作燕歌行能盡塞北苦寒  
梁朝君臣競和其詞竟成符讖今觀

子淵詩文多燕歌類也建章樓閣長  
安陵樹傷心久矣

婁東張溥題

王司空集目錄

詔

赦詔

省徵發詔

立通道觀詔

表

百僚請立皇太子表

上祥瑞表

上新定鐘表

啓

謝賚馬啟

謝賚絹啟

書

寄梁處士周弘讓書

序

象經序

箴

皇太子箴

銘

漏刻銘

四瀆祠碑銘

碑

上庸公陸騰勒功碑

靈壇碑 二首

京師突厥寺碑

善行寺碑



王司空集 卷全  
二  
温湯碑

周太傅燕文公于謹墓碑

周太保尉遲綱墓碑

太子太保中都公陸逞碑

故陝州刺史馮章碑

祭文

爲梁元帝祭王僧辯母貞敬太夫人文

文

周經藏願文

幼訓

樂府

關山篇

從軍行

二首

長安有狹邪行

飲馬長城窟

輕舉篇

凌雲臺

出塞

入塞

關山月

長安道

陌上桑

明君詞

遊俠篇

古曲

高句麗

燕歌行

日出東南隅行

墻上難爲趨

詩

九日從駕

入朝守門開

贈周處士

別陸子雲

奉和趙王途中五韻

和張侍中看臘

和庾司水修渭橋

玄圃濬池臨泛奉和

和從弟祐山家二首

詠鴈

送觀甯侯葬

送劉中書葬

別王都官

送別裴儀同

渡河北

詠月贈人

和殷廷尉歲暮

看鬪雞

彈碁

從駕北郊

和趙王隱士

始發宿亭

山池落照

詠霧應詔

入關故人別

過藏矜道館

明慶寺石壁

雲居寺高嶺

詠定林寺桂樹

附錄

本傳

王司空目錄終

王司空集卷全

周瑯琊王 褒著

明太倉張 溥閱

詔

赦詔

民生而靜，純懿之性本均，感物而遷，嗜欲之情  
斯起，雖復雲鳥殊世，文質異時，莫不限以隄防，  
示之禁令，朕君臨萬寓，覆養黎元，思振頽綱，納  
之軌式，比因人有犯，與衆棄之，所在羣官，有僇



過者咸聽首露莫不輕重畢陳纖毫無隱斯則  
風行草偃從化無違導德齊禮庶幾可致但上  
失其道有自來矣陵夷之弊反本無由宜加蕩  
滌與民更始可大赦天下

省徵發詔

民亦勞止則星動于天作事不時則石言于國  
故知爲政欲靜靜在甯民爲治欲安安在息役  
頃興造無度徵發不已加以頻歲師旅農畝廢  
業去秋災蝗年穀不登民有散亡家空杼軸朕

每旦恭已夕惕。兢懷自今。正調以外。無妄徵發。庶時殷俗。阜稱朕意焉。

立通道觀詔

至道弘深。混成無際。體包空有。理極幽玄。但歧路既分。派源途遠。瀉離朴散。形氣斯乖。遂使三墨八儒。朱紫交競。九流七略。異說相騰。道隱小成。其來舊矣。不有會歸。爭驅靡息。今可立通道觀。聖哲微言。先賢典訓。金科玉篆。秘蹟立文。所以濟養黎元。扶成教義者。竝宜弘闡。一以貫之。

俾夫翫培塿者識嵩岱之崇崛守殫礫者悟渤  
澥之泓澄不亦可乎

表

百寮請立皇太子表

臣聞游雷居震、春方應守器之禮、明兩作離、少陽纂重暉之業、是以三善昭德、載祀之祚克隆、一人元良、貞國之基永固、至于軒轅得姓、高陽才子、上嗣仁賢、前星虛位、魯國公斌親居元子、屬當儲貳、具寮仰則、列辟式瞻、臣等參議、請立爲皇太子、事隆監撫、教資審諭、問安寢門、視膳天幄、

上祥瑞表

明王孝治、岳瀆所以效靈、至人澤及、風雲以之  
懸感、是以若霧非霧、天道叶至德之符、似煙非  
煙、觸石表嘉祥之氣、玄黃蕭索之輝、丹紫輪囷  
之狀、豈止唐帝沉璧、氣合金方、姬后望河、形如  
車蓋。

上新定鐘表

萬物生象、始乎算數、天道運行、基乎步術、量有  
輕重、平以權衡、音有清濁、協乎律呂、是以周發

聽聲候春冬之生殺。師曠吹律知晉楚之衰亡。  
數始黃鍾。琯終仲呂。還宮變徵。參天兩地三分。  
損益。素黍相乘。四時發歛。忽微斯測。皇帝治歷。  
明時推元。受命八音。七始之奏。五聲六律之和。  
斟酌繁簡。分析節度。准之以升斛。正之以權衡。  
稽之以古今。覈之以經傳。



啓

謝賚馬啓

邊城無草。來自東南。塞外饒沙。經從西北。漢時  
樂府。偏愛權奇。晉世桑門。特憐神駿。黃金作勒。  
足度西河。白玉爲鐙。方傳南國。儻逢漢帝。仍駕  
鼓車。若值魏王。應驚香氣。

謝賚絹啓

似逐安車之徵。如輕殿中之對。臣善識山川。應  
圖方丈。脫能臨水。必不棄書。



六

一

一

一

一

一

一

一

一

書

寄梁處士周弘讓書

嗣宗窮塗、楊朱歧路、征蓬長逝、流水不歸、舒慘殊方、炎涼異節、木皮春厚、桂樹冬榮、想攝衛惟宜、動靜多豫、賢兄入關、敬承款曲、猶依杜陵之水、尚保池陽之田、鏟跡幽蹊、銷聲窮谷、何其愉樂、幸甚幸甚、弟昔因多疾、亟覽九仙之方、晚涉世途、常懷五嶽之舉、同夫關吏、物色異人、譬彼客卿、服膺高士、上經說道、屢聽立牝之談、中藥

養神每稟丹砂之說。頃年事道盡。容髮衰謝。其黃矣。零落無時。還念生涯。繁憂總集。祝陰愒日。猶趙孟之徂年。負杖行吟。同劉琨之積慘。河陽北臨。空思鞏縣。霸陵南望。還見長安。所冀書生之魂。來依舊壤。射聲之鬼。無恨他鄉。白雲在天。長離別矣。會見之期。邈無日矣。援筆攬紙。龍

鍾橫集

序

象經序

一曰天文以觀其象，天日月星是也，二曰地理以法其形，地水火金木土是也，三曰陰陽以順其本，陽數爲先，本于天，陰數爲後，本于地是也，四曰四時以正其序，東方之色青，其餘三色例皆如之，是也，五曰算數以通其變，俯仰則爲天地，日月星變通則爲水火金木土是也，六曰律呂以宣其氣，在子取未，在午取丑是也，七曰八

封以定其位，至震取兌，至離取坎是也，八曰忠，  
孝以惇其教，出則盡忠，入則盡孝是也，九曰君，  
臣以事其禮，不可以貴凌賤，直而爲曲，不可以  
卑褻尊，隱而無犯是也，十曰文武以成其務，武  
論七德，文表四教是也，十一曰禮義以制其則，  
居上不驕，爲下盡敬，進退有度，可法是也，十二  
曰觀德以考其行，定而後求，義而後取，時而後  
言，樂然後笑是也，或升進以報德，義取遷善，或  
黜退以貶過，事在懲惡，或以沈審爲貴，正其瞻

視或以徇齊爲功、明其糾察得失表于隆替在  
賤必申、怠敬彰于勸沮、處尊思屈、片言崇于拱  
璧、一德踰于華袞、

三言  
集

分  
全

八

箴

皇太子箴

有序

臣聞教化爰始，詠歌不足，政俗旣移，風雅斯變。  
伏惟皇明御宇，功均造物，改文爲質，斲雕成素。  
皇太子游雷居震，明兩作離，春夏干戈，秋冬羽  
籥，叔譽慙五稱之對，師曠降四馬之恩，竊以太  
史官箴，虞書所誡，永樹芳烈，丞相所以垂文，漢  
覩安危，太傅以之陳訓，敢自斯義，獻箴云爾。  
天生蒸民，司牧斯樹，咸熙庶績，式昭王度，惠民



垂統元良繼體麗止離暉惟機天啓令問令望  
聞詩聞禮從曰撫軍守曰監國秋坊通夢春宮  
養德桓榮獻書荀攸觀則元子爲士齒卿命秩  
朝服寢門迴車作室正陽君位喬枝父道臣子  
所崇忠孝爲寶勿謂居尊禍福無門勿謂親賢  
王道無偏無爲慮始無爲事先損之又損全之  
亦全無往不復無平不陂美疢甘言鮮不爲累  
則哲惟難知人未易居室爲善分陰無棄亡保  
其存危安其位神聽不惑天妖斯忌文昌著于

前星、秬鬯由于守器、庶僚司箴、敢告閤寺、

三  
卷  
全

全

銘

漏刻銘

有序

竊以混元開闢，天迴地旋，厯象運行，暑來寒往，二分同道，烏靈正其昏夕，兩至相遇，表圭測其長短，雖則晦朔先後，失于公羊之說，次舍盈縮，惑于邱明之傳，至乎出卯入酉，黃道青綠，季孟相推，啓閉從序，挈壺掌分數之令，太史陳立成之法，軍將以之，懸井壺，郎以之，超奏百王垂訓，千祀餘烈者焉。銘曰

三言空集  
卷全  
二  
立儀西運，逝水東流，甘川浴日，深壑藏舟，測茲  
秘象，是曰神謀，正震治歷，下武惟周，忽微以則，  
積空成數，圭表弗差，光陰斯赴，箭水無絕，靈虬  
長注，徑寸日輪，四分天度，器遵昔典，景移新刻，  
荆山旣鑄，昆吾且勒，以福眉壽，百王垂則。

四瀆祠碑銘

靈祠嶽立，具闕雲浮。寂寥詭怪，髣髴神遊。姬羸  
分國，河渭合流。桃花春水，靈草孤洲。潼鄉河曲，  
汾陰睢壤。亂流不度，龍門難上。河魚送迎，江妃  
來往。水開通跡，山臨高掌。智以藏往，神以知來。  
榮光離合，雲氣徘徊。水仙遺操，津吏餘杯。波息  
川后，浪靖瞻臺。



碑

上庸公陸騰勒功碑

在昔洞庭彭蠡三苗有遠竄之君太室陽城九  
州無同姓之國是知周衛設險所務非山川河  
岳作固所寶惟休德至于三峽蹇產九折崢嶸  
高峰尋雲深谷無景秦開漢閉雖阻荷戟之虞  
魏塞晉通終因束馬之利我大周開闢宇宙混  
同文軌御六氣于天樞頓八紘于地絡彭濮未  
恭邛笮不討外憑劍道之難內負銅梁之厄大



將軍上庸公。仗國威靈。奉辭伐罪。長戟萬隊。巨艦千舳。板楯酋豪。斯榆君長。厯稔逋寇。累代稽誅。廓清江源。蕩滌巴濮。若夫荆門千里。蜀置永安之宮。巴水三迴。吳阻夷陵之縣。巫峽使君之灘。淪波洽沒。建平督郵之道。棧徑威紆。路阻蠻陬。途橫夷落。擅強專險。輕法侮史。天子爰詔有司。公奉天討。星言載塗。指日遄邁。冊授公大將軍。信州刺史。韓信召拜軍中。致設壇之禮。衛青出征臨河。聞後距之令。夫鐘鼎大禮之器。昭德

必書金石不朽之質庸勲斯樹某等乃建碑于  
某地敢作頌云

遐觀命氏眇求世祿龍圖紀河鴻漸于陸霸楚  
傳姓命吳啓族君子篤生降靈惟岳朝陽擢彩  
荆山曜璞巴庸自檀彭濮稱王南泊夔道西通  
夜郎內憑玉壘外阻銅梁介視荒服斗絕邊疆  
赫赫南仲堂堂方叔天子命我遐征越逐寶氏  
車騎去病冠軍封山刊石鐫銘刻勲遠隔年代  
懸感風雲盛德必祀千載斯文

靈壇碑

悠悠五緯，乃欽若於堯典，茫茫九州，是致功于  
禹跡，猶以天步懸遠，隸首算而弗窮，地載遐荒，  
章亥馳而未極，浩庭霄度，吐納天和，崑閩滄溟，  
胞胎元一，九靈之府，神液所以降祥，五英之闕，  
冀華以之昭應，推劫運之短長，校河源之廣狹，  
谷、永、上、書、譬、流、風、之、不、繫、桓、譚、作、論、明、弱、水、之、  
難、航、豈、知、迴、天、金、簡、惟、傳、上、聖、洞、神、玉、策、尚、隔、  
中、仙、于、時、金、風、戒、辰、三、光、澄、曜、香、雨、乘、空、天

入室帝乃升法座說立言看覆洞微闡揚衆妙  
洪鐘應叩衢樽待酌銘曰

鐘鳴上界梵響玄宮紫辰濯水青樹搖風八覺  
修行七教弘通神機詣理秋毫圻空函席廣開  
法輪徐轉入神精義談天勝辨逐境晦明逗機  
深淺或照盛業方圓雲篆

又

雲橋啓館景曜開扉明庭朝禮僊館羽衣鷲履  
霄去鳧鳥晨歸鍊石三轉燒丹七飛昆吾陶鑄

丹陽鎔銑畫寫龍文圖閒雕篆聲隨地氣調均  
天辯九宮方應萬靈稱善

京師突厥寺碑

夫六合之內存乎方冊四天之下聞諸象教百  
億閻浮塵沙算而不盡三千日月世界數而無  
邊至於周星夕隕漢宮夜夢身高梵世力減須  
彌應現十方分身百佛上極天中下窮地際轉  
法輪於稔國留妙象於蜀賓至於善見神通瓶  
沙瑞相波斯鑄金優填雕木莫不歸依等覺迴

向佛乘棄形骸而入道捨國城而離俗突厥大  
伊尼温木汗夏后餘基惟天所置威加窮髮兵  
厯無革小大當戶左右賢王麟膠角觸之弓驚  
羽射鵬之箭跨葱嶺之首豪靡不從化踰天山  
之君長咸皆賓屬人敦信契國寶親鄰太祖文  
皇帝道被寰中化覃無外提群品千萬福濟蒼  
生于六道大冢宰晉國公功高寅亮位隆光輔  
命司空而度地監匠人而置臬帶二條之逸陌  
面九市之通鄜圖木緹錦雕楹礮密香隨微雨

自灑風塵幡雜天花常調絲竹四禪  
患淨界  
無毀六珠芬盡法身常住銘曰

七華妙覺三空勝境意樹已彫心猿斯靜靈城  
偃色空衣滅影索隱窮源振衣提領

善行寺碑

蓋聞在天成象，群星仰于北辰，在地成形，百川  
起於東海，是知璿璣盈縮，並運天樞，江漢所宗，  
爭環地軸，塵沙日月，同渤澥之輪迴，百億鐵圍，  
等閻浮之數量，章亥步驟，豈盡世界之邊隸，首

忽微。甯窮。劫海之算。象牛。舐力。方十行之階梯。  
兔馬渡河。譬三乘之等級。定木壞須彌之山。智  
炬然金剛之刹。敬表六和。現沙門之進止。未垂  
四教。示聲聞之律儀。至於千壘火然。鵠林變色。  
四禪災起。鴿影傳輝。羽林出使。漢開濯龍之祀。  
桑門傳譯。晉虔洛陽之拜。

溫湯碑

原夫二儀開闢。雷風以之通響。五材運行。水火  
因而並用。炎上作苦。旣麗純陽之德。潤下作鹹。



且協凝陰之度。至於遷陵熱谿。沉魚涌浪。炎洲  
燒地。穴鼠含煙。火井飛泉。垂天遠扇。焦源沸水。  
衝流迸集。甘州浴日。跳波邁椒邱之野。湯谷揚  
濤。激水疾龍門之箭。故以地伏流黃。神泉愈疾。  
云云。其銘曰。

挺此溫谷。驪岳之陰。白礬上徹。丹砂下沉。華清  
駐老。飛流瑩心。谷神不死。川德愈深。

周太傅燕文公于謹墓碑

古者六等官人。師傅崇其匡輔。一命作牧。侯伯

總其專征南仲成薄伐之功吉甫作來歸之頌  
若乃仰叶宸曜上屬台階錫之以彝器明之以  
車服隆名盛業太傅燕國公其有焉西擘開其  
命緒東海傳其世祿父曾致平法之科廷尉稱  
無寃之頌駟馬方駕高門繼軌公稟山岳之上  
靈含風雲之秀氣雕良玉於廉劔鍊貞金于鑿  
罃于時王業締構國步權輿太祖地雖二分功  
猶再駕忠誠簡帝有志興王公運策帷帳叅謀  
幕府封齊定文成之計間楚資曲逆之奇仲華

訪輿地之圖。林叔叅兵車之右。魏恭帝元年爲  
大司寇。正刑糾慝。國無害馬之倫。翦暴詰姦。民  
亡飲羊之俗。三刺薦無簡之文。兩造陳禁邪之  
憲。大周受命。寶厯攸歸。表高惠之功臣。紀山河  
之著命。封燕公。邑萬戶。姬氏建國。君奭始封。昭  
王禮賢。郭隗開館。又授太傅。本官如先。保定五  
年。賜金石樂一部。公世爲邊將。少習兵書。當敵  
制機。臨戎應變。增壘減竈之圖。題樹繫桑之畧。  
軍中罷戰。無廢雅歌。壯士志驕。時觀投石及乎。

名高衛霍，爵重韓彭。錫邑增于鄭僑，賜乘同于魏絳。丹節比司隸之貴，緹騎將金吾之寵。座闕倡歌之娛，堂無鐘鼓之奏。辭功坐樹，不伐征西之勲。還第角巾，無競龍驤之賞。銘曰：

惟岳降神，膺期命世。量苞川藪，道弘兼濟。昂宿協符，佐旌冥契。匪躬諒直，武節橫厲。函嶠重險，鐘鼎淪覆。潛龍勿用，瞻鳥在屋。道贊上台，功匡下瀆。條教斯理，彝倫載睦。懋官惟德，明試以功。既移上將，實董元戎。傳呼甚寵，徽章載隆。居高

能降處貴思冲寶命惟新王猷允塞爵班異姓  
禮均同德林胡以南易州之北帝曰爾諧俾侯  
燕國駸駸過隙滔滔逝川明哲詎寶館舍長捐  
立言不沒遺愛在旃三河斥上駟馬開泉丹旒  
毀宗玄堂啓殞寵贈虛加鸞和空引晏子悼齊  
隋武懷晉謂天蓋高如何不憊

周太保尉遲綱墓碑

昔者王室藩屏周德謂之宗親列國諸侯異姓  
稱爲伯舅元勳懿德姬崇齊楚之封疏爵疇庸

漢重韓吳之秩，司勳載其弘烈，典冊備其徽章。  
山甫式列辟之功，紀迹廟器。莊叔匡成獻之難，  
昭德彝鼎鴻名盛業，公實兼焉。公命世挺生，應  
期間出，嵩華峻極，降維嶽之上，靈霜露所均，體  
中和之秀氣，危松擢本，且觀後彫之質，貞桂挺  
生，便體冬華之秀，是故以辰昴膺慶，風雲立感  
者焉。公柔順內凝，英華外發，斧藻仁義，珪璋令  
範，危勁之節，冠四序而踰秀，堅貞之操，經百鍊  
而不銷，加以遠門射法，遠中戟支，養由箭神，逢

穿懸葉。巧極將軍之伎。精窮校尉之官。及年踰  
艾服。任隆台袞。甲第當衢。傳呼啓路。不以寵貴。  
驕人。每以卑恭。自牧易箴之言。無忘寢瘵。城郢  
之志。終于瞑目。銘曰。

珠角應期。山廷表德。出忠入孝。自家刑國。人物  
冠冕。彝章表則。任屬屯警。官聯極侍。行部六條。  
議班三吏。逝水詎停。光陰不借。遽辭逆旅。俄悲  
怛化。旌舒夏練。棺陳衛墓。北郭人稀。西山景落。  
三千不見。九原誰作。銘茲鼎鬲。求傳嵩霍。

太子太保中都公陸逞碑銘

公本居三吳郡三吳縣丞相遜後也宋武匡定  
鍾鼎底平涵洛公會祖載實贊軍謀及返旆南  
轅以司武留守赫連作亂見拘夏州以江右名  
家爲中山太守地旣鮮虞途通靈壽呼施易水  
仗武乘邊趙北燕南申威河外祖營州使君長  
於戎馬稱雄朔漠南中都督猶纘奕世之基西  
校國門無墜承家之業公識度深詳標尚閑遠  
處衆撝謙居簡行敬風鑒外明潛機內敏建章



門戶張華立成原陵松栢虞延盡記昔處文房。  
又居內職。或傳冰華時遊甲邸。魏祖軍謀還豫  
南陂之宴。梁王師傅猶對宣室之談。出內優隆  
通籍榮寵。升降榮步。便頌宮禁。銘曰。

淮海惟揚。具區之藪。水朝江漢。星纏牛斗。盛德  
遺風。神明厥後。龍章八命。鸞旂四牡。賓階昔遇。  
風月相思。卿門今別。宿草何悲。輪環不已。零落  
無時。永矣元伯。長從此辭。

故陝州刺史馮章碑

其先陶唐氏之苗裔，堯少子，生而手有馮字，因以爲氏。俾侯于魯，義等房心之地。余與之廣事符河汾之邑。使君稟靈河嶽，比德璵珩，闔門和美，譽聖開宗。握文命氏，濁水北流。秦關東徙，巖險襟帶。山河枕倚，陸離組甲，從容青紫。

王臣恭德肅新名王公洛社

川宗世大第

八明

王徵

王徵

王徵

祭文

爲梁元帝祭王僧辯母貞敬太夫人文

維爾世基，武子族懋。陽元金相比映，玉德齊溫。  
旣稱女則，兼循婦言。書圖鏡覽，辭章討論。教貽  
俎豆，訓及平原。楚祭將兵，孟軻成德。盡忠資敬，  
自家刑國。顯允其儀，惟民之則。反命師旅，旣修  
我戎。補茲袞職，奄有龜蒙。毋由子貴，亶爾斯崇。  
嘉命允集，寵章旣隆。居高能降，處貴思冲。慶資  
善始，榮兼令終。崦嵫旣久，蒹葭蚤秋。奔駟難返。

衝濤詎留，背龍門而西顧，過夏首而東浮，越三  
宮之遐嶽，經三江之派流，鬱鬱增嶺，浮雲蔽虧，  
滔滔江漢，逝者如斯，銘旌故旄，宇毀遺碑，卽虛  
舟而談奠，想徂魂之有知，嗚呼哀哉。

文

周經藏願文

蓋聞九河疏迹、策蘊靈邱、四徹中繩、書藏羣玉、  
亦有青邱紫府、三皇刻石之文、綠檢黃繩、六甲  
靈飛之字、豈若如來秘藏、譬彼明珠、諸佛所師、  
同夫淨鏡、鹿苑四諦之法、尼園八犍之文、香山  
巨力、豈云能負、以歲在昭陽、龍集天井、奉爲云  
云、奉造一切經藏、始乎生滅之教、訖于泥洹之  
說、論議希有、短偈長行、責首銀函、立文玉匣、陵

陽餌藥、止觀仙字、關尹望氣、裁受立言、未有龍  
樹、利根看題、不徧斯陀、淺行同座、未聞盡天竺  
之音、窮貝多之葉、灰分八國、文徒闕賓、石盡六  
銖、書還大海、仰願過去神靈、乘茲道力、得無生  
忍、具足威儀、又願國祚遐長、臣民休慶、四方內  
附、萬福現前、六趣怨親、同登正覺、

幼訓

陶士行曰、昔大禹不希尺璧而重寸陰、文士何不誦書、武士何不馬射、若乃立冬修夜、朱明永日、肅其居處、崇其牆仞、門無糝雜、坐闕號呶、以之求學、則仲尼之門人也、以之爲文、則賈生之升堂也、古者盤盂有銘、几杖有誠、進退循焉、俯仰觀焉、文王之詩曰、靡不有初、鮮克有終、立身行道、終始若一、造次必於是、君子之言、歟、儒家則尊卑等差、吉凶降殺、君南面而臣北面、天地



義也、鼎俎奇而籩豆偶、陰陽之義也、道家則墮  
支體、黜聰明、棄義絕仁、離形去智、釋氏之義、見  
苦、斷習、證滅、循道、明因辨果、偶凡成聖、斯雖爲  
教、等差而義歸汲引、吾始乎幼學、及于知命、旣  
崇周孔之教、兼循老釋之談、江左以來、斯業不  
墜、汝能修之、吾之志也

樂府

關山篇

以下五言

從軍出隴阪，驅馬度關山。  
關山恒掩藹，高峯白雲外。  
遙望秦川水，千里長如帶。  
好勇自秦中，意氣多豪雄。  
少年便習戰，十四已從戎。  
遼水深難渡，榆關斷未通。

從軍行二首

兵書久閑習，征戰數曾經。  
講戎平樂觀，學戲一作覽。  
翎羽林亭西，征度疎勒東。  
驅出井陘，牧馬濱長

渭營軍毒上涇。平雲如陣色。半月類城形。羽書  
封信璽。詔使動流星。對岸流沙白。綠河柳色青。  
將幕恒臨斗。旌門常背邢。勲封瀚海石。功勒燕  
然銘。兵勢因麾下。軍圖送掖庭。誰憐下玉筋。向  
暮掩金屏。

黃河流水急。驄馬遠征人。谷望河陽縣。橋渡小  
平津。年少多遊俠。結客好輕身。代風愁撼馬。胡  
霜宜角筋。羽書勞警急。邊鞍倦苦辛。康居因漢  
使。盧龍稱魏臣。荒戍唯看柳。邊城不識春。男兒

重意氣無爲羞賤貧。

長安有狹邪行

威

一作透

紆狹邪道車騎動相喧博徒稱劇孟遊

狹號王孫勢傾魏侯府。交盡翟公門。路邪勞夾  
轂塗狹倦折轅。日斜宣曲觀。春還御宿園。塗歌  
楊柳曲。巷飲榴花樽。獨有遊梁倦。一作客還守孝  
文園。

飲馬長城窟

北走長安道。征騎每經過。戰垣臨八陣。旌門對

兩、和、屯、兵、戍、隴、北、飲、馬、傍、城、阿、雪、深、無、復、道、水、  
合、不、生、波、塵、飛、連、陣、聚、沙、平、騎、跡、多、昏、昏、壠、坻、  
月、耿耿、霧、中、河、羽、林、猶、角、觝、將、軍、尚、雅、歌、臨、戎、  
常、拔、劔、蒙、險、屢、提、戈、秋、風、鳴、馬、首、薄、暮、欲、如、何、

輕舉篇

天、地、能、長、久、神、仙、壽、不、窮、白、玉、東、華、檢、方、諸、西、  
岳、童、俄、瞻、少、海、北、暫、別、扶、桑、東、俯、觀、雲、似、蓋、低、  
望、月、如、弓、看、碁、城、邑、改、辭、家、墟、巷、空、流、珠、餘、舊、  
竈、種、杏、發、新、叢、酒、釀、瀛、洲、玉、劔、鑄、昆、吾、銅、誰、能、

攬六博還當訪井公

凌雲臺

高臺懸百尺，中夕殊未窮。北臨酸棗寺，西眺明  
光宮。城傍抵雙府，林裏對相風。書題鹿盧榜，觀  
寫飛廉銅。牕開神女電，梁應美人虹。虞捐濫天  
寵，鄭替特懷忠。莊生垂翠鈞，昭儀拒一作抵鬪熊  
馳輪有盈缺，人道亦汗隆。還念西陵舞，非復鄴  
城中。

出塞

一作塞  
下曲

飛蓬似征客。千里自長驅。塞禽唯有鴈。關樹但  
生榆。背山看故壘。繫馬識餘蒲。還因麾下騎。來  
送月支圖。

入塞

戍久風塵色。勲多意氣豪。建章樓閣迥。長安陵  
樹高。度冰傷馬骨。經寒墜節旄。行當見天子。無  
假用錢刀。

關山月

關山月夜明。秋色照孤城。影虧一作半輪同漢陣。輪

滿一作全影逐胡兵，天寒光轉白。風多暈欲生，寄言亭上吏，遊客解鷄鳴。

長安道

槐衢回北第，馳道度西宮。樹陰連袖色，塵影雜衣風。採桑逢五馬，停車對五童。喧喧許史座，鐘鳴賓未窮。

陌上桑

人傳陌上桑，未曉已含光。重重相蔭映，軟弱自芬芳。秋胡未倚馬，羅敷未滿筐。春蠶朝已老，安



王言空集  
得久徬徨

明君詞

蘭殿辭新寵，椒房餘故情。鴻飛漸南陸，馬首倦西征。寄書叅漢使，銜涕望秦城。唯餘馬上曲，猶作出關聲。

遊俠篇

英苑作  
俠客行

京洛出名謳，豪俠競交遊。河南期四姓，關西謁五侯。鬪鷄橫大道，走馬出長楸。桑陰徙將夕，槐路轉淹留。

古曲

一作雜曲

青樓臨大道遊俠盡

一作任

淹留陳王金被馬秦

女桂爲鈞馳輪洛城巷鬪鷄南陌頭薄暮風塵起聊爲清夜遊。

高句麗

六言

蕭蕭易水生波燕趙佳人自多傾  
盃覆盃濯濯垂手奮袖婆婆  
不惜黃金用盡只畏白日蹉跎

燕歌行

七言

初春麗景

一作日

鶯欲嬌桃花流水沒河橋  
薔薇

花開百重葉，楊柳拂地數千條。隴西將軍號都

護，樓蘭較尉稱嫖姚。自從昔別春燕分，經年一

去不相聞。無復漢地關山月，一作長安月唯有漢北

薊城雲。淮南桂中明月影，流黃機上織成文。充

國行軍屢築營，陽史討虜陷平城。城下風多能

却陣，沙中雪淺詎停兵。屬國小婦猶年少，羽林

輕騎數征行。遙聞陌頭採桑曲，猶勝邊外胡笳

聲。胡笳向暮使人泣，長望一作還使閨中空伫立。桃

花落地杏花舒，桐生井底寒葉疎。試爲來看上

林鴈應有遙寄隴頭書

日出東南隅行

以下雜言

曉星西北沒朝日東南隅陽牕臨玉女蓮帳照  
金鋪鳳樓稱獨立絕世良所無鏡懸四龍網枕  
畫七星圖銀鏤明光帶金地織成襦調絃大垂  
手歌曲鳳將雛採桑三市路賣酒七條衢道逢  
五馬客夾轂來相趨將軍多事勢夫聳好形模  
高箱照雲母壯馬飾當顛單衣火浣布利劔水  
精珠自知心所愛任宦執金吾飛薨彫翡翠

玉臺

作翠  
繡角畫屠蘇，銀燭附彈映鷄羽。黃金步搖  
動，襜褕兄弟五日時來歸。高車竟道生光輝，名  
唱兩行堂上起。鴛鴦七十階前飛，少年任俠輕  
年月，珠丸出彈遂難追。

墻上難爲趨

昔稱梁孟子，兼聞魯孔邱。訪政聊爲述，問陳豈  
相酬。末代多僥倖，卿相盡經由。臺郎百金價，台  
司千萬求。當朝少直筆，趨代皆曲鈎。廷尉十年  
不得調，將軍百戰未封侯。夜伏擁門作常伯，自

有蒲萄得涼州白壁求善價明珠難暗投高墻  
不可踐井水自難浮風胡有年歲銛利此吳鈎

詩

九日從駕

以下五言

黃山獵地廣青門官路長律改三秋節氣應九  
鐘霜曙影初分地暗色始成光高旆長楸坂緹  
幕杏間堂射馬垂雙帶豐貂佩兩璜苑寒梨樹  
紫山秋菊葉黃華露霏霏冷輕颿颿涼終慙  
屬車對空假侍中郎

入朝守門開

梁簡文有守東華門開詩

鳳池

一作直城

通複道嚴駕早凌晨鐵符行警曙銀

燦未開闔塹暗城無影晴新路不塵屯兵引畫  
劔騎吹動班輪徒知仰睿藻抽殊未未申

贈周處士

我行無歲月征馬屢盤桓嶠曲三危岨關重九  
折難猶持漢使節尚服楚臣冠巢禽疑上幕驚  
羽畏虛彈飛蓬去不已客思漸無端壯志與時  
歇生年隨事闌百齡悲促命數刻念餘歡雲生

隴底黑桑疎，薊北寒鳥道。無蹊徑清漢，有波門  
思君化羽翮，要我鑄金丹。

別陸子雲

藝文作別  
陸才子

解纜出南浦，征棹且凌晨。還看分手處，唯餘送  
別人。中流搖蓋影，邊江落騎塵。平湖開曙日，細  
柳發新春。滄波不可望，行雲聊共因。

奉和趙王途中五韻

飄飄映車幕，出沒望連旗。度雲還羽陣，迴風卽  
送師。峽路沙如月，山峯石似眉。村桃拂紅粉，岸



柳被青絲錦城遙可望迴鞍念此時

和張侍中看臘

上林冬狩返回中講射歸還登宣曲觀更獵黃  
山圍巖冬桑柘慘寒霜馬騎肥縹盧隨兔起高  
鷹接雉飛獨嗟求遠客辛苦倦邊衣

和庾司水修渭橋

東流仰天漢南渡似牽牛長堤通甬道飛梁跨  
造舟使者開金堰太守擁河流廣陵候濤水荆  
峽望陽侯波生從胡舶沙漲湧新洲天星識辨

對、檢、玉、應、沈、鈞、空、悅、浮、雲、賦、非、復、採、蓮、謳、

玄圃濬池臨泛奉和

長洲春水滿，臨泛廣川中。石壁如明鏡，飛橋類  
飲虹。垂楊夾浦綠，新桃緣徑紅。對樓還泊岸，迎  
波蹙守風。漁舟釣欲滿，蓮房採半空。於茲臨北  
闕，非復坐墻東。

和從弟祐山家二首

採藥名山頂，時節無春冬。散雲非一色，連崑異  
衆峯。合沓似無徑，間關定有蹤。山牕臨絕頂，檐

溜俯危松空林鳴暮雨。虛谷應朝鐘。仙童時可  
遇。羽客屢相逢。若值韓衆藥。當御長房龍。  
結交非俗士。仙侶自招攜。少華隱日月。太乙尋  
虹霓。衆林積爲籟。園竹茂成埤。幽谷曙無景。荒  
途晝欲迷。滴瀝寒泉溜。叫嘯秋猿啼。白雲帝鄉  
起。神禽丹穴棲。箭篠時通境。桃李復成蹊。今身  
得其所。羣物可令齊。

詠鴈

伺潮聞曙響。妬壘有春翬。豈若雲中鴈。秋時塞

外歸河長猶可涉，海澗故難飛。霜多聲轉急，風  
疎行屢稀。園池若可至，不復怯虞機。

送觀甯侯葬

蒙羽高峻極，淮泗導清源。刑茅廣裂地，跼萼盛  
開蕃。紛綸彤艫彩，從容瓊玉溫。衝飆搖柏榦，烈  
火壯曾崑。疇昔同羈旅，辛苦涉涼暄。觀風方聽  
樂，垂淚遽傷魂。造舟虛客禮，高閉掩賓垣。桂樹  
思公子，芳草惜王孫。今晨向郊郭，猶似背轅轅。  
丹旄書空位，素帳設虛樽。楚琴南操絕，韓詩舊

說存西靡傷新樹東陵惜故園自憐悲谷影彌

愴

一作念

玉關門餘輝盡天末夕霧擁

一作起

山根

平原看獨樹臯亭望列村寂寥還蓋靜荒茫歸  
路昏挽鐸已流唱歌童行自喧睠言千載後誰  
將遊九原

送劉中書葬

昔別傷南浦今歸去北邙書生空託夢久客每  
思鄉塞近邊雲黑塵昏野日黃陵谷俄遷變松  
柏易荒涼題銘無復迹何處驗龜長

別王都官

連翩憫流客，悽愴惜離羣。  
東西御溝水，南北會稽雲。  
河橋兩堤絕，橫歧數路分。  
山川遙不見，懷袖遠相聞。

送別裴儀同

河橋望行旅，長亭送故人。  
沙飛似軍幕，蓬捲若車輪。  
邊衣苦霜雪，愁一作秋貌損風塵。  
行路皆兄

弟，千里念相親。

渡河北

苑詩類選作范雲者非

詩

秋風吹木葉，還似洞庭波。  
常山臨代郡，亭障繞黃河。  
心悲異方樂，腸斷隴頭歌。  
薄暮臨征馬，失道北山阿。

詠月贈人

月色當秋夜，斜暉映薄帷。  
上絃如半壁，初魄似蛾眉。  
渡雲光忽駛，中天影更遲。  
高陽懷許掾，對此益相思。

和殷廷尉歲暮

歲晚悲窮律，他鄉念索居。  
寂寞灰心盡，摧殘生

意餘產空、交道絕、財殫密親疎、空悲趙壹賦、還著虞卿書、

看鬪鷄

蹀躞始橫行、意氣欲相傾、妬敵金芒起、猜群芥粉生、入場疑挑戰、逐退似追兵、誰知函谷下、人去獨聞城、

彈碁

投壺生電影、六博值仙人、何如鏡奩上、自有拂輕巾、隔澗疑將別、隴頭如望秦、握筆如思賦、辭



短竟無陳

從駕北郊

維皇敬明祀，望拜出河東。  
地靈開複道，營星發紫宮。  
銜銜響清蹕，偵候起相風。  
森沈羽林騎，肅穆虎賁弓。

和趙王隱士

鳧鵠均長短，鵬鷃共逍遙。  
清襟蘊秀氣，虛席滿風颿。  
斷絃唯續葛，獨酌止傾瓢。  
菖蒲九重節，桑薪七過燒。

始發宿亭

送人亭上別，被馬櫪中嘶。  
漠漠村烟起，離離嶺樹齊。  
落星侵曉沒，殘月半山低。  
闕

山池落照

竹管掩金扉，池光晦晚暉。  
孤舟隱荷出，輕棹染苔歸。  
浴禽時侶竄，驚羽忽單飛。  
闕

詠霧應詔

七條開早陌，五里闡朝氛。  
帶樓疑海氣，含蓋似浮雲。  
方從河水上，預奉綠圖文。

入關故人別

百年餘古樹、千里闇黃塵、  
關山行就近、相看成遠人、

過藏矜道館

松古無年月、鵠去復來歸、  
石壁藤爲路、山牕雲作扉、

明慶寺石壁

夏水懸臺際、秋泉帶雨餘、  
石生銘字長、山久谷神虛、

雲居寺高嶺

中峯雲已合，絕頂日猶晴。  
邑居隨望近，風烟對眼生。

詠定林寺桂樹

歲餘彫晚葉，年至長新圍。  
月輪三五映，鳥生八九飛。

三  
之  
公  
三

...

...

...

...

...

...

...

...

本傳

王褒字子淵琅邪臨沂人也曾祖儉齊侍中太尉南昌文憲公祖騫梁侍中金紫光祿大夫南昌安侯父規梁侍中左民尚書南昌章侯並有重名於江左褒識量淵通志懷沉靜美風儀善談笑博覽史傳尤工屬文梁國子祭酒蕭子雲褒之姑夫也特善草隸褒少以姻戚去來其家遂相模範俄而名亞子雲並見重於世梁武帝喜其才藝遂以弟鄱陽王恢之女妻之起家秘

書郎轉太子舍人襲爵南昌縣侯稍遷秘書丞  
宣成王大器簡文帝之冢嫡卽褒之姑子也于  
時盛選僚佐乃以褒爲文學尋遷安成郡守及  
侯景渡江建業擾亂褒輯甯所部見稱於時梁  
元帝承制轉智武將軍南平內史及嗣位於江  
陵欲待褒以不次之位褒時猶在郡敕王僧辯  
以禮發遣褒乃將西上元帝與褒有舊相得甚  
歡拜侍中累遷吏部尚書左僕射褒旣世胃名  
家文學優瞻當時咸相推挹故旬月之間位昇

端右。寵遇日隆。而褒愈自謙虛。不以位地矜人。時論稱之。初元帝平侯景及擒武陵王紀之後。以建業彫殘。方須修復。江陵殷盛。便欲安之。又其故府臣寮。皆楚人也。並願卽都荆郢。嘗召羣臣議之。領軍將軍胡僧祐。吏部尚書宗慄。太府卿黃羅漢。御史中丞劉穀等曰。建業雖是舊都。王氣已盡。且與北寇鄰接。止隔一江。若有不虞。悔無及矣。臣等又嘗聞之。荆南之地。有天子氣。今陛下龍飛續業。其應斯乎。天時人事。徵祥如



此臣等所見遷徙非宜。元帝深以爲然。時褒及尚書周弘正咸侍座。乃顧謂褒等曰。卿意以爲何如。褒性謹慎。知元帝多猜忌。弗敢公言。其非當時唯唯而已。後因清閒密諫。辭甚切。元帝頗納之。然其意好荆楚。已從僧祐等策。明日於衆中謂褒曰。卿昨日勸還建業。不爲無理。褒以宣室之言。豈宜顯之於衆。知其計之不用也。於是止不復言。及大軍征江陵。元帝授褒都督城西諸軍事。褒本以文雅見知。一旦委以總戎。深自

勉勵盡忠勤之節、被圍之後、上下猜懼、元帝唯  
於褒深相委信、朱買臣率衆出宣陽之西門、與  
王師戰、買臣大敗、褒督進不能禁、乃貶爲護軍  
將軍、王師攻其外柵城陷、褒從元帝入子城、猶  
欲固守、俄而元帝出降、褒遂與衆俱出、見柱國  
于謹、謹甚禮之、褒曾作燕歌行、妙盡關塞寒苦  
之狀、元帝及諸文士並和之、而競爲凄切之辭、  
至此方驗焉、褒與王克、劉歆、宗懍、殷不害等數  
十人俱至長安、太祖喜曰、昔平吳之利、二陸而

已。今定楚之功。羣賢畢至。可謂過之矣。又謂褒  
及王克曰。吾卽王氏甥也。卿等並吾之舅氏。當  
以親戚爲情。勿以去鄉介意。於是授褒及克殷  
不害等車騎大將軍儀同三司。常從容上席。資  
餼甚厚。褒等亦並荷恩。眄忘其羈旅焉。孝閔帝  
踐祚。封石泉縣子。邑三百戶。世宗卽位。篤好文  
學。時褒與庾信才名最高。特加親待。帝每遊宴  
命褒等賦詩談論。常在左右。尋加開府儀同三  
司。保定中。除內史中大夫。高祖作象經。令褒注。

之引據該洽，甚見稱賞。褒有器局，雅識治體。既累世在江東，爲宰輔，高祖亦以此重之。建德以後，頗叅朝議。凡大詔冊，皆令褒具草。東宮旣建，授太子少保，遷小司空，仍掌綸誥，乘輿行幸，褒常侍從。初，褒與梁處士汝南周弘讓相善。及弘讓兄弘正自陳來聘，高祖許褒等通親知音，問褒贈弘讓詩，并致書，尋出爲宣州刺史，卒於位。時年六十四。子齋嗣。

六十四年

八姓書

自來經

與眾

小同

大臨

事

王司全集終